

六  
典  
通  
考

六典通考卷七十五

湖西閣鎮珩輯

賓興考

鄉射

儀禮鄉射禮

鄭目錄云州長春秋以禮會民而射於州序之

禮於五禮屬嘉禮

鄉射之禮主人戒賓賓出迎再拜主人答再拜

乃請

主人州長也鄒大夫若在焉則稱鄉大夫也戒猶警也

習民以禮樂不出迎出門也請告也告賓以射事不言拜辱此爲

今郡國行此禮以季春周禮鄉老及鄉大夫三年正月獻賢

能之書於王退而以鄉射之禮五物詢眾庶諸侯之賓禮辭

鄉大夫既貢士於其君亦用此禮射而詢眾庶平許主人再拜賓答再拜主人退賓送再拜退還射宮無介雖

飲酒主於射也

其序賓之禮略

右戒賓 記大夫與則公士為賓不敢使鄉人加尊於大

賓主用使能不宿戒能者敏於事不

乃席賓南面東上不言於戶牖之眾賓之席繼而西言繼者

眾庶未有席主人於阼階上西面阼階尊於賓席之東兩壺

斯禁左元酒皆加勺斯禁禁切地無足者也

之也肆設洗於阼階東南南北以堂深東西當東榮水在洗

東篚在洗西南肆榮屋縣於洗東北西面此縣謂磬也縣於

縣磬者半天

右設席陳器 記尊綌冪賓至徹之以綌為冪蒲筵緇布

純筵席也西序之席北上眾賓純

乃張侯下綱不及地武侯謂所射布也綱持舌繩也武迹也

中人之迹尺二寸侯象人綱即其足

也是以不繫左下綱中掩束之事未至也乏參侯道居侯黨之一

西五步客謂之乏所以為獲者御矢也侯道五十步此乏去侯北十丈西三丈

右張侯記鄉侯上个五尋上个謂最上幅也八尺中十

尺方者也用布五丈今官布幅廣二尺二寸旁削侯道五

十弓弓二寸以為侯中言侯中所取數也量侯道以狸步

也正二寸者散中之博倍中以為躬躬身也謂中之上下

倍躬以為左右舌謂上个也居兩旁謂下舌半上舌半者

出於躬者也用布三丈所以半上舌者侯人之形類也上

个象臂下个象足中人張臂八尺張足六尺五八四十五

六三十以此為哀也凡鄉侯用布十六丈數起侯道五十

弓以計道七十弓之侯用布二十五丈二尺道九十弓之

六典通考

卷七十五

二

主人答再拜退賓送再拜速召也射賓輕也戒時元端今郡國行此鄉射禮皮弁服與禮為異  
賓及眾賓遂從之

右速賓

記其牲狗也

狗取擇人

亨於堂東北

鄉飲酒義曰祖陽氣之所發也

及門主人一相出迎於門外再拜賓答再拜

相主人家臣揖擯贊傳命者

眾賓

差卑禮宜異

主人以賓揖先入

以猶與也先入入門右西面

賓厭眾賓眾

賓皆入門左東面北上賓少進

引手曰厭以進差在前也今文皆曰揖眾賓

主人

以賓三揖皆行及階三讓主人升一等賓升

三讓而主人先升者是主人先

讓於賓不俱升者賓客之道進宜難也

主人阼階上當楣北面再拜賓西階上

當楣北面答再拜

主人拜賓至此堂

右迎賓

記立者東面北上

賓黨

主人坐取爵於上篚以降

將獻賓降人也

主人阼階前西面

坐奠爵與辭降重以主人事煩賓賓對對主人坐取爵與適

洗南面坐奠爵於篚下盥洗盥手又洗爵致潔敬賓進東北

面辭洗必進者方辭洗宜遠位也主人坐奠爵於篚興對賓

反位反從降之位也鄉飲主人卒洗壹揖壹讓以賓升賓西

階上北面拜洗主人阼階上北面尊爵遂答拜乃降乃降將更盥也

今文壹皆作一賓降主人辭降賓對主人卒盥壹揖壹讓升賓升西

階上疑立疑止也有矜莊之色主人坐取爵賓之賓席之前西北面獻

賓進於賓也凡進物曰獻賓西階上北面拜主人少退少退猶賓進受

爵於席前復位復位西階上位主人阼階上拜送爵賓少退薦脯醢

薦賓升席自西方賓升降由下也乃設折俎牲體枝解節折以實俎也主人阼階

東疑立賓坐左執爵右祭脯醢奠爵於薦西興取肺坐絕祭

卻左手執本右手絕末以祭也肺離上為本下為末尙左手嚌之嚌嘗也右手在下與絕以授口嘗之與加於俎坐挽手執爵遂祭酒興席末坐啐酒挽拭也啐嘗也古文挽作說降席坐奠爵拜告旨降席席西也旨美也執爵興主人阼階上答拜賓西階上北面坐卒爵興坐奠爵遂拜執爵興卒主人阼階上答拜

右獻賓 記獻用爵其他用解爵尊不凡舉爵三作而

不徒爵謂獻賓獻大夫獻工皆有薦獻大夫獻工通用 薦脯用邊五臟祭半

臠橫於上醢以豆出自東房臠長尺二寸臠用邊五臟祭半物也醢以豆豆

宜濡物也臠猶脰也為記者異耳祭橫於上殊之也於人為縮臠廣狹未聞也古文臠為臠今文或作植凡薦通

用俎由東壁自西階升狗既亨載賓俎脊脅肩肺主人俎

脊脅肺肺皆離皆右體也進腩以骨名肉貴骨也賓俎用肩主人用臂尊賓也

離猶隆也。膳府理也。進理謂前其本右體周所貴也。若以有尊者則俎其餘體也。賓酢章主人俎於此考之。

爵拜者不徒作以爵拜謂拜既爵徒猶空也。作起也。不空起言起必酢主人。獻大夫通用。

賓以虛爵降將洗以主人降。從賓也。降立。酢階。賓西階前東

面坐奠爵興辭降主人對賓坐取爵適洗北面坐奠爵於筐

下興盥洗賓北面盥。洗自外來。主人阼階之東南面辭洗賓坐奠爵於

筐興對主人反位反位從降之位也。主人辭洗進也。賓卒洗揖讓如初升主

人拜洗賓答拜興降盥如主人之禮賓升賓爵主人之席前

東南面酢主人報主人。酢主人阼階上拜賓少退主人進受爵復位。

賓西階上拜送爵薦脯醢主人升席自北方乃設折俎祭如

賓禮祭薦俎及酒亦降。不告旨。酒已。自席前適阼階上北面坐卒爵

興坐奠爵遂拜執爵興賓西階上北面答拜自由也。俾酒於席末由前降便。



也主人坐奠爵於序端阼階上再拜崇酒賓西階上答再拜

序端東序頭也崇充也謝酒惡相充滿也

右賓酢

主人之俎見獻賓章

主人坐取觶於篚以降

將酬賓

賓降主人奠觶辭降賓對東面

立主人坐取觶洗賓不辭洗

不辭洗以其將自飲

卒洗揖讓升賓西階

上疑立主人實觶酬之阼階上北面坐奠觶遂拜執觶興

酒

賓西階上北面答拜主人坐祭遂飲卒觶興坐奠觶遂拜

執觶興賓西階上北面答拜主人降洗賓降辭如獻禮

以其酌已

升不拜洗

禮也

賓西階上立主人實觶賓之席前北面

賓酌已

西階上拜主人坐奠觶於薦西賓辭坐取觶以興反位

賓辭酌已

人復親酌已

主人阼階上拜送賓北面坐奠觶于薦東反位

酌酒不舉

主人揖降賓降東面立於西階西當西序主人將與眾賓為禮賓謀不敢獨居

右酬賓

記凡奠者於左

不飲不將舉者於右 便其舉也

於右見下一人舉 解二人舉解章

主人西南面三拜眾賓眾賓皆答壹拜

三拜示徧也壹拜不備禮也獻賓畢乃與

眾賓拜敬不能並

主人揖升坐取爵於序端降洗升實爵西階上獻

眾賓眾賓之長升拜受者三人

長其老者言三人則眾賓多矣國以多德行道藝為榮何

常數之有乎

主人拜送

拜送爵於眾賓右

坐祭立飲不拜既爵授主人爵

降復位

既眾賓皆不拜受爵坐祭立飲

自第四以下又不每拜受爵禮彌略

一人獻則薦諸其席

諸於眾賓辨有脯醢其位主人以虛爵降

奠於篚

不復用

右獻眾賓 記眾賓之長一人辭洗如賓禮尊之於其黨 樂

正與立者齒 謂其飲之次也尊樂正同於賓黨鄉飲酒記曰與薦者皆薦以齒

揖讓升賓厭眾賓升眾賓皆升就席一人洗舉觶於賓主人

之升實觶西階上坐奠觶拜執觶與賓席未答拜舉觶者坐

祭遂飲卒觶興坐奠觶拜執觶與賓答拜降洗升實之西階

上西面將進賓拜拜受 舉觶者進坐奠觶於薦西不敢賤賓

辭坐取以興若親受然 舉觶者西階上拜送賓反奠於其所舉觶

者降

右一人舉觶 將舉者於右見上章

大夫若有遺者則入門左謂此鄉之人為大夫者也謂之遺者方以禮樂化民欲其遵法之也

其士也於旅乃人鄉大夫士非鄉人主人降迎大夫於門內禮亦然主於鄉人耳今文遺為僕

賓賓及眾賓皆降復初位不敢居堂俟大夫入主人揖讓以

大夫升拜至大夫答拜主人以爵降大夫降主人辭降大夫

辭洗如賓禮席於尊東尊東明與賓夾尊也升不拜洗主人

實爵席前獻於大夫大夫西階上拜進受爵反位主人大夫

之右拜送大夫辭加席主人對不去加席辭之者謙不以己

者大夫再重席乃薦脯醢大夫升席設折俎祭如賓禮不嗜

肺不啐酒不告旨西階上卒爵拜主人答拜凡所不者殺於

由東

右獻大夫 記若有諸公則於賓禮大夫如介禮無諸公

則大夫如賓禮尊卑之差諸公樂作大夫不入後樂

大夫降洗將酢主人也大夫若主人復阼階降辭如初卒洗

眾則辭獻長乃酢

主人盥

盥者雖將酌自飲尊大夫不敢褻

揖讓升大夫授主人爵於兩楹間

復位主人實爵以酢於西階上坐奠爵拜大夫答拜坐祭卒

爵拜大夫答拜主人坐奠爵於西楹南再拜崇酒大夫答拜

主人復降階揖降

將升賓

大夫降立於賓南

雖尊不奪人之正禮

主人揖

讓以賓升大夫及眾賓皆升就席

### 右大夫酢

席工於西階上少東樂正先升北面立於其西

言少東者明樂正西側階

不欲大東辟射位

工四人二瑟瑟先相者皆左何瑟面鼓執越內弦

右手相入升自西階北面東上工坐相者坐授瑟乃降

瑟先賤者

先就事也相扶工也面前也鼓在前變於君也執越內弦右手相由便也越瑟下孔所以發越其聲也前越言執者內有弦結手入之淺也笙入立於縣中西面

堂下樂相從也縣中磬東立西面

乃

合樂周南關雎葛覃卷耳召南鵲巢采芣苢

不歌不笙不問志在射略

於樂也不略合樂者周南召南之風鄉樂也不可略其正也

昔太王王季文王始居岐山之陽躬行以成王業至三分天

下乃宣周南召南之化本其德之初刊于寡妻至於兄弟以

御于家邦故謂之鄉樂用之房中以及朝廷饗燕鄉射飲酒

此六篇其風化之原也是工不興告於樂正曰正歌備者不與

以合金石絲竹而歌之

略也樂正告於賓乃降尊之也君賜大夫樂畢主人取爵於

上篚獻工大師則爲之洗尊之也君賜大夫樂又從賓降主

人辭降大夫不工不辭洗卒洗升賓爵工不興左瑟一人拜

受爵左瑟辟主人授爵也一主人阼階上拜送爵薦脯醢使

人相祭者人相工飲不拜既爵授主人爵眾工不拜受爵祭飲

辯有脯醢不祭祭飲不興受不洗遂獻笙於西階上不洗者

工而不洗矣而眾笙不洗者笙賤也眾

賤於眾工正君賜之猶不洗也笙一人拜於下盡階不升堂

受爵主人拜送爵階前坐祭立飲不拜既爵升授主人爵眾  
笙不拜受爵坐祭立飲辯有脯醢不祭主人以爵降奠於篚  
反升就席亦揖讓以賓升眾賓皆升

右樂賓

記三笙一和而成聲

三人吹笙一人吹和凡四人也爾雅曰笙小者謂之

和獻工與笙取爵於上篚既獻奠於下篚其笙則獻諸西

階上

奠爵於下篚不復用也今文無與笙

主人降席自南方

禮綴由便

側降

賓不作相爲司正司正禮辭許

諾主人再拜司正答拜

爵備樂畢將畱賓以事爲有解倦失禮立司正以監之察儀法也詩云既

立之監或佐之史

主人升就席

右立司正

司正洗觶升自西階由楹內適阼階上北面受命於主人

洗

者當酌以表其位顯其事也檯內檯北西階上北面請安於賓傳主人賓禮辭

許司正告於主人遂立於楹間以相拜賓相謂贊主人及主人

阼階上再拜賓西階上答再拜皆揖就席為已安也今司正

實解降自西階中庭北面坐奠解興退少立奠解表其位也

其位也古文進坐取解興反坐不祭遂卒解興坐奠解拜執日少退立

解興洗北面坐奠於其所又曰文坐取解無進興少退北面立

於解南立解南亦未旅旅序也末以次序相酬

右司正舉解記司正既舉解而薦諸其位薦於

三耦俟於堂西南面東上司正既立司射選弟子之中德行

此司射適堂西袒決遂取弓於階西兼挾乘矢升自西階階

上北面告於賓曰弓矢既具有司請射司射主人之吏也於

堂西袒決遂者主人



無次隱蔽而已袒左免衣也決猶闔也以象骨為之著右大  
擘指以鈎弦闔體也遂射構也以韋為之所以遂弦者也其  
非射時則謂之拾拾欽也所以蔽膚斂衣也方持弦矢曰挾  
乘矢四矢也大射曰挾乘矢於弓外見鐵於附右巨指鈎弦  
古文扶賓對曰某不能為二三子許諾言某不能謙也二司  
皆作接賓對曰某不能為二三子許諾言某不能謙也二司

射適阼階上東北面告於主人曰請射於賓賓許司射降自

西階階前西面命弟子納射器也弟子賓黨之年少者也納內

豐也賓黨東面乃納射器皆在堂西賓與大夫之弓倚於西

主人之吏西面序矢在弓下北括眾弓倚於堂西矢在其上上堂西廉主人

之弓矢在東序東亦倚於東序也司射不釋弓矢遂以比三

耦於堂西三耦之南北面命上射曰某御於子命下射曰子

與某子射也此選次其才相近者司正為司馬兼官由便也立

今射司馬命張侯弟子說束遂繫左下綱說皆作稅今文司

正無事司馬命張侯弟子說束遂繫左下綱說皆作稅今文司

馬又命獲者倚旌於侯中為當負侯也獲者亦弟子獲者由

西方坐取旌倚於侯中乃退樂正適西方命弟子贊工遷樂

於下當辟射也贊弟子相工如初入降自西階阼階下之東

南堂前三筈西面北上坐筈矢幹也今文無南樂正北面立於其南面

鄉堂不與工序也

右請射記子路延射事見後二人舉解章三耦者使弟子司射前戒之

弟子賓黨之少者也司射之弓矢與扑倚於西階之西便其

前戒謂先射請戒之也司射既袒決遂而升司馬階前命張侯遂命倚旌著並行也

古文曰遂命凡挾矢於二指之間橫之二指謂左右手

獲者倚旌食指將之第二指此以指挾之司射在司馬之北司馬無事不執弓射以不主旌

各以其物旌總名也雜帛為物大夫士之所無物則以白

羽與朱羽綵杠長三仞以鴻脰韜上二尋

無物者謂小國之州長也其下

大夫一命其州長士不命不命者無物此翻旌也翻亦所以進退眾者綵者雜也杠撞也七尺曰仞鴻鳥之長脰者也入尺曰尋今文

綵爲縮韜爲韜

司射猶挾乘矢以命三耦各與其耦讓取弓矢拾

猶有故之辭拾更也

三耦皆袒決遂有司左執附右執弦而授弓

有司弟子納射器者也凡納射

器者皆執以俟事

遂授矢

受於納矢而授之

三耦皆執弓搯三而挾一介

也插於帶右

司射先立於所設中之西南東面三耦皆進由

司射之西立於其西南東面北上而俟司射東面立於三耦

之北搯三而挾一个

爲當誘射也固東面矣復言之者時卻時還

揖進當階北面

揖及階揖升堂揖豫則鉤楹內堂則由楹外當左物北面揖

鉤楹繞楹而束也序無室可以深也周立四代之學於國而又以有虞氏之庠爲鄉學鄉飲酒義曰主人迎賓於庠門外

是也庠之制有堂有室也今言豫者謂州學也讀如成周宣  
榭災之榭周禮作序凡屋無室曰榭宜作榭州立榭者下鄉  
也左物下物也今文豫爲序序爲夏后氏之學亦非也及物揖左足履物不方足還視  
侯中俯正足是方猶併也志在於射左足至右足還併足則不  
去旌不獲誘射誘猶將乘矢將行也行四方執弓不挾右執  
弦不挾南面揖揖如升射降出於其位南適堂西改取一个  
挾之改更也不射而挾之示遂適階西取扑搢之以反位所  
以撻犯教者書云扑作教刑

右誘射

記射自楹間物長如筈其間容弓距隨長武楹自

問者謂射於庠也楹間中央東西之節也物謂射時所立  
處也謂之物者猶事也君子所有事也長如筈者謂從  
畫之長短也筈矢幹也長三尺與跬相應射者進退之節  
也間容弓者上下射相去六尺也距隨者物橫畫也始前  
足至東頭爲距後足來合而序則物當棟堂則物當楹是  
南面爲隨武跡也尺二寸

六典通考卷七十五

五架之屋也正中日棟次曰楹前曰庑

楚扑長如筭刊本尺

刊其可持處

射

者有過則撻之

過謂矢揚中人凡射時矢中人當刑之今鄉會眾賢以禮樂勸民而射者中人本意

在侯去傷害之心遠是以輕之以扑撻於中庭而已書曰扑作教刑

司馬命獲者執旌以負侯

欲令射者見侯與旌深有志於中

獲者適侯執旌

負侯而侯

侯待也今文侯爲立

司射還當上耦西面作上耦射

還左還也作使

也司射反位上耦揖進上射在左並行當階北面揖及階揖

上射先升三等不射從之中等

中猶問也

上射升堂少左下射升

上射揖並行

並併也併東行

皆當其物北面揖及物揖皆左足履物

還視侯中合足而侯司馬適堂西不決遂袒執弓

不決遂因不射不備

出於司射之南升自西階鉤楹由上射之後西南面立於物

間左執簫南揚弓命去侯

鉤楹以當由上射者之後也簫弓末也大射曰左執射揚猶舉也

獲者執旌許諾聲不絕以至於乏坐東面偃旌興而俟聲不絕

以官商不絕而已鄉射成儀省偃猶作也司馬出於下射之南還其後降自西階

反由司射之南適堂西釋弓製反位立於司射之南闕下射者明為

二人命去俟司射進與司馬交於階前相左由堂下西階之東北

面視上射命曰無射獲無獵獲上射揖司射退反位射獲謂矢中人

也獵矢從傍乃射上射既發扶弓矢而后下射射拾發以將乘矢

后後也當從后獲者坐而獲獲者中則大言獲獲得也射舉旌以宮

偃旌以商宮為君商為臣聲和律呂相生獲而未釋獲但大言獲未釋其算卒射皆執

弓不挾南面揖揖如升射不挾亦右執弦如司射上射降三等下射少

右從之中等竝行上射於左降與升射者相左交於階前相

揖由司馬之南適堂西釋弓說決拾襲而俟於堂西南面東

上三耦卒射亦如之司射去扑倚於西階之西升堂北面告

於賓曰三耦卒射

去扑乃升不敢佩刑器即尊者之側

賓揖

以揖然之

司射降搢扑

反位

右初射獲而未釋獲

記命負侯者由其位

於賤者禮略

上射

於右

於右物射

始射獲而未釋獲復釋獲復用樂行之

君子取人

漸以

凡適堂西皆出入於司馬之南唯賓與大夫降階遂

西取弓矢

尊者宜逸由便也

司馬適堂西袒執弓由其位南進與司射交於階前相左升

自西階鉤楹自右物之後立於物間西南面揖弓命取矢

揖推

也獲皆執旌許諾聲不絕以旌負侯而侯

侯弟子取矢以旌指教之

司馬

出於左物之南還其後降自西階遂適堂前北面立於所設

幅之南命弟子設幅幅猶幅也所以承箭齊矢者乃設幅於中庭南當洗

東肆東肆統於賓司馬由司射之南退釋弓於堂西襲反位弟子

取矢北面坐委於幅北括乃退司馬襲進堂幅南北面坐左

右撫矢而乘之撫拊之也就上既言襲矣復言之者嫌有事即袒也凡

事升堂乃袒若矢不備則司馬又袒執弓如初升命曰取矢不索

索猶盡也弟子自西方應曰諾乃復求矢加於幅增故曰加焉獲者許諾至此弟

子曰諾事同互相明

右取矢 記幅長如筈博三寸厚寸有半龍首其中蛇交

韋當博廣也兩端為龍首中央為蛇身相交也龍首君子

當以丹韋為之司馬左左無矢而乘之分委於當 幅槩橫而奉之南面坐而奠之

南北當洗槩赤黑漆也奉朱子正作奉今從之



司射倚扑於階西升請射於賓如初賓許諾賓主人大夫若

皆與射則遂告於賓適阼階上告於主人主人與賓為耦言若

者或射或否在時欲耳射者釋已之志君子務焉大夫遂告於

大夫大夫雖眾皆與士為耦以耦告於大夫曰某御於子夫大

皆與士為耦謙也來觀禮同爵自相與耦則謙自尊別也大

夫為下射而云御於子尊大夫也士謂眾賓之在下者及羣

士來觀禮者也禮一西階上北面作眾賓射使司射降搢扑

由司馬之南適堂西立比眾耦眾耦大夫耦及眾賓也命大

眾耦於眾賓將與射者皆降由司馬之南適堂西繼三耦而

立東上大夫之耦為上若有東面者則北上言若有者大夫

賓多無賓主人與大夫皆未降言未降者見司射乃比眾耦

辭也遂命三耦拾取矢司射反位反位者俟其三

辭眾賓射者降比之耦乃偃袒決遂來

耦拾取矢皆袒決遂執弓進立於司馬之西南必袒決遂者明得有射事

司射作上耦取矢作之者還當上耦如作射司射反位上耦揖進當耦北

面揖及耦揖當耦耦正南之東西上射東面下射西面上射揖進坐橫

弓卻手自弓下取一个兼諸附順羽且興執弦而左還退反

位東面揖橫弓者南隨弓也卻手由弓下取矢者以左手在弓表右手從裏取之便也兼并矢於附當順羽既

又當執弦也順羽者手放而下備不整理也不言毋周在昨非君周可也下射進坐橫弓覆手自

弓上取一个興其他如上射覆手由弓上取矢者以左手既在弓裏右手從裏取之亦便

拾取乘矢揖皆左還南面揖皆少進當耦南皆左還北面揖

三挾一个耦南鄉當耦之位揖皆左還上射於右上射轉居右便其反位也下射左還

少南行與進者相左相揖反位相左皆由進者之北三耦拾取矢亦如

之後者遂取誘射之矢兼乘矢而取之以授有司於西方而

后反位

取誘射之矢扶五个弟子逆受於東面位之後

眾賓未拾取矢皆袒決遂執

弓搯三扶

一个由堂西進繼三耦之南而立東面北上大夫

之耦爲上

未猶不也眾賓不拾者未射無耦上矢也吉此者嫌眾賓三耦同倫初時有射者後乃射有拾取矢

禮也

右再請射

記取誘射之矢者既拾取矢而後兼誘射之

乘矢而取之

謂反位已禮成乃更進取之不相因也

司射作射如初一耦揖升如初司馬命去侯獲者許諾司馬

降釋弓反位司射猶扶一个去扑與司馬交於階前升請釋

獲於賓

猶有故之辭司射既誘射恒執弓扶矢以掌射事備向未知當教之也今三耦卒射眾足以知之矣猶扶

之者君子

實許降搯扑西而立於所設中之東北面命釋獲

者設中遂視之

視之當教之

釋獲者執鹿中一人執算以從之中

鹿

謂射於榭也釋獲者坐設中南當楅西當西序東面與受算

於庠當兕中釋獲者坐設中南當楅西當西序東面與受算

坐實八算於中橫委其餘於中西南末與共而俟與還北面受算反東

面實之司射遂進由堂下北面命曰不貫不釋貫猶中也不中

文貫作上射揖司射退反位釋獲者坐取中之八算改實八算

於中興執而俟執所取算乃射若中則釋獲者坐而釋獲每一個

釋一算上射於右下射於左若有餘算則反委之委餘算禮

之合於中西又取中之八算改實八算於中興執而俟三耦卒射

右再射釋獲記鹿中槩前足跪盤背容八算釋獲者奉

之先首前足跪者象教箭籌八十箭篠也籌算也籌八

貴全數其時擾之獸受負也長尺有握握本所持處也素謂眾寡從實眾實

不與射者不降不以無事亂有大夫降立於堂西以俟

射

尊大夫不使  
久列於射位

賓主人大夫揖皆由其階降揖主人堂東袒決遂執弓搯三  
扶一个賓於堂西亦如之皆由其階階下揖升堂揖主人爲  
下射皆當其物北面揖及物揖乃射卒南面揖皆由其階階  
上揖降階揖賓序西主人序東皆釋弓說決拾襲反位升及  
階揖升堂揖皆就席也或言堂或言序亦爲席榘互言大夫袒  
決遂執弓搯三扶一个由堂西出於司射之西就其耦大夫  
爲下射揖進耦少退揖如三耦及階耦先升卒射揖如升揖  
耦先降降階耦少退皆釋弓於堂西襲耦遂止於堂西大夫  
升就席耦於庭下不並行尊大夫也在眾賓繼射釋獲皆如  
初司射所作唯上耦於是大射三耦卒射司射請於公及賓卒

射釋獲者遂以所執餘獲升自西階盡階不升堂告於賓曰  
左右卒射降反位坐委餘獲於中西與共而俟司射不告卒射者釋獲者也  
於是事有宜終之也餘獲餘算也無餘算則空手耳俟俟數也

右賓主大夫眾賓射 記賓主人射則司射擯升降卒射

卽席而反位卒射擯賓主人升降者皆尊之也 大夫與

士射袒繻襦不肉袒少退於物下大夫也既發則然

司馬袒決執弓升命取矢如初獲者許諾以旌負俟如初司

馬降釋弓反位弟子委矢如初大夫之矢則兼束之以茅上

握焉兼束大夫矢優之是以不拾也束於握上則兼取之順

大夫之矢則矢有題識也諸慎氏貢楷矢銘其括今文上作尙司馬乘矢如初司射遂適西

階西釋弓去扑襲進由中東立於中南北面視算釋弓去扑射事已

釋獲者東面於中西坐先數右獲固東面矣復言之者二算

為純純猶全也一純以取實於左手十純則縮而委之縮從

數者東西為從每委異之易校有餘純則橫於下又異之也

一算為奇奇則又縮諸純下奇猶虧也與自前適左東面起

中東就左獲少北坐兼斂算實於左手一純以委十則異之

於故東面鄉之其餘如右獲謂所橫司射復位釋獲者遂進取賢獲執

以升自西階盡階不升堂告於賓賢獲勝黨之算也若右勝

則曰右賢於左若左勝則曰左賢於右以純數告若有奇者

亦曰奇賢猶勝也言賢者射之以中為雋也假若左右鈞則

左右皆執一算以告曰左右鈞降復位坐兼斂算實八算於

中委其餘於中西與共而俟

右取矢視算 記司射釋弓矢視算與獻釋獲者釋弓矢

惟此二事休武主文釋弓矢耳然則損升降不釋

司射適堂西命弟子設豐將飲不勝者設豐所以承其爵也豐形蓋似豆而卑弟子奉

豐升設於西楹之西乃降勝者之弟子洗解升酌南面坐奠

於豐上降袒執弓反位勝者之弟子其少者也耦不酌下無能也酌者不授爵略之也執弓反射

位不俟其黨已酌有事司射遂袒執弓挾一个摺扑北面於三耦之南

命三耦及眾賓勝者皆袒決遂執張弓執張弓言能用之也右手執弦如卒射

不勝者皆襲說決拾卻左手右加弛弓於其上遂以執弣固

說決拾矣復言之者起勝者也執弛弓言不能用之也兩手執弣又不得執弦司射先反位居前俟所命來

三耦及眾射者皆與其耦進立於射位北上司射作升飲者

如作射一耦進揖如升射及階勝者先升堂少右先升尊賢也少右辟



飲者也亦相飲之位不勝者進北面坐取豐上之觶與少退立卒解進

坐奠於豐下興揖立卒解不祭不拜受罰爵不不勝者先降

後升先降略與升飲者相左交於階前相揖出於司馬之南

遂適堂西釋弓襲而俟侯復有執爵者主人使贊者代弟子

自西階立執爵者坐取解實之反奠於豐上升飲者如初每

於序端輒酌以三耦卒飲實主人大夫不勝則不執弓執爵者取解

降洗升實之以授於席前優尊受解以適西階上北面立飲

受罰爵者不卒解授執爵者反就席大夫飲則耦不升以賓

宜自尊別飲耦在上若大夫之耦不勝則亦執弛弓特升飲尊者可以

眾賓繼飲射爵者辯乃徹豐與解徹猶除也設豐者反豐於

右飲不勝者記主人亦飲於西階上說射爵而飲也已

無倭才不可以解

司馬洗爵升實之以降獻獲者於侯鄉人獲者賤明其主薦

脯醢設折俎俎與薦皆三祭皆三祭為其將祭獲者負侯北

面拜受爵司馬西面拜送爵負侯負侯中也拜送爵不同面

以南為上為受爵於侯薦者執爵使人執其薦與俎從之

之於位古文曰再拜受爵者執爵使人執其薦與俎從之

適右个設薦俎設薦俎者由為設遷在東豆在西俎當其北

也言使獲者南面坐左執爵祭脯醢執爵興取肺坐祭遂祭

酒為侯祭也亦二手興適左个中亦如之先祭左个後中者

神在左个之西北三步東面設薦俎獲者薦右東面立飲不

拜既爵不就乏者明其享侯之餘也立司馬受爵奠於篚復

位獲者執其薦使人執俎從之辟設於乏南遷設薦俎就乏

明已所得禮也

言辟之者不使當位辟舉旌偃旌也設獲者負侯而俟司射

於南右之也凡他薦俎皆當其位之前適階西釋矢弓去扑說決拾襲適洗洗爵升實之以降獻釋

獲者於其位少南薦脯醢折俎有祭不當其位辟中釋獲者薦右東

面拜受爵司射北面拜送爵釋獲者就其薦坐左執爵祭脯

醢與取肺坐祭遂祭酒與司射之西北面立飲不拜既爵司

射受爵奠於筐釋獲者少西辟薦反位辟薦少西之者為復射妨司射視算也亦

俎

右獻獲者及釋獲者 記獲者之俎折脊脅肺臠臠若肺

折以大夫東方謂之右个侯以卿堂為面也釋獲者之俎折脊脅

肺皆有祭皆皆獲者也祭祭肺也以言肺謂割肺不離嫌無祭肺

司射適堂西袒決遂取弓於階西挾一个搯扑以反位為將復射

司射去扑倚於階西升請射於賓如初賓許司射降搢扑由

司馬之南適堂西命三耦及眾賓皆袒決遂執弓就位位射也

不言射者以當序取矢司射先反位言先三耦及眾賓也既命之即反

拾取矢位無所先三耦及眾賓皆袒決遂執弓各以其耦進反於射

位以猶與也今司射作拾取矢三耦拾取矢如初反位賓主

人大夫降揖如初主人堂東賓西堂皆袒決遂執弓皆進階

前揖南面相俟及福揖拾取矢如三耦及福當福東西也主

拾取矢不北卒北面搢三挾一个亦於三耦揖退皆已揖左

塗反位賓堂西主人堂東皆釋弓矢襲及階揖升堂揖就席將

先言主人將襲先言賓尊賓也大夫袒決遂執弓就其耦降袒決遂於堂西

之拾取矢揖皆進如三耦耦東面大夫西面大夫進坐說矢束說

矢

東者下耦興反位而后耦揖進坐兼取乘矢順羽而興反位

揖也兼取乘矢者尊大夫不敢與之拾也相下相尊君子之所以相接也大夫進坐亦兼取乘矢

如其耦北面揖三挾一个亦於三耦揖退耦反位大夫遂適

序西釋弓矢襲升即席大夫不序於下尊也眾賓繼拾取矢皆如三耦

以反位

右三請射 記大夫說矢束坐說之明不自尊別也

司射猶挾一个以進作上射如初一耦揖升如初進前也屬

耦西面是言進終始互相明也今文或言作升射司馬升命去侯獲者許諾司馬降

釋弓反位司射與司馬交於階前去扑襲升請以樂樂於賓

賓許諾司射降揖扑東面命樂正曰請以樂樂於賓賓許面

於西階之前也不就樂正命之者傳尊者之命於賤者司射

遙號令之可也樂正亦許諾猶北面不還其在堂

遂適階間堂下北面命曰不鼓不釋不與鼓節相應不釋算

終所以將入矢一節之間當拾發四節四拾其一節先以聽也上射揖司射退反位樂正東

面命大師曰奏騶虞間若一東面者進還鄉大師也騶虞國風召南之詩篇也射義曰騶虞

者樂官備也其詩有一發五犯五縱于嗟騶虞之言樂得賢者眾多嘆思至仁之人以充其官此天子之射節也而用之

客鄉大夫則歌采蘋間若一者重節大師不興許諾樂正退

反位乃奏騶虞以射三耦卒射賓主人大夫眾賓繼射釋獲

如初卒射降皆應鼓與歌之節釋獲者執餘獲升告左右卒

射如初卒已也今文

右三射用樂 記歌騶虞若采蘋皆五終射無算謂眾賓

眾賓無數也每一耦射歌五終也

司馬升命取矢獲者許諾司馬降釋弓反位弟子委矢司馬

乘之皆如初司射釋弓視算如初算獲算也今釋獲者以賢文曰視數也獲與鈞告如初降復位

右取矢視算

司射命設豐設豐實解如初遂命勝者執張弓不勝者執弛弓升飲如初

右飲不勝者

司射猶袒決遂左執弓右執一个兼諸弦面鏃適堂西以命拾取矢如初側持弦矢日執面猶尚也并矢於弦尚其鏃將止變於射也司射反位三耦

及賓主人大夫眾賓皆袒決遂拾取矢如初矢不挾兼諸弦

弣以退不復位遂授有司於堂西不挾亦謂執之於司掩也

禮畢辯拾取矢揖皆升就席謂賓大夫及眾賓也相俟堂西進立於西階之前主人以賓揖乃大

夫及眾賓從升立時少退於司射乃適堂西釋弓去扑說決拾襲反位司馬命弟子說侯之左下綱而釋之說解也釋之之命獲者以旌退命弟子退楅司射命釋獲者退中與算而侯諸所退皆侯堂西備復射旌言以者旌恒執也獲者釋獲者亦退其薦俎

右三射畢

司馬反爲司正退復解南面立當監樂正命弟子贊工卽位

弟子相工如其降也升自西階反坐贊工遷樂也降時如初

賓北面坐取俎西之解興阼階上北面酬主人主人降席

立於賓東賓坐奠解拜執解興主人答拜卒不祭卒解不拜

不洗實之進東南面所不者酬而禮主人阼階上北面拜賓

少退少退少主人進受解賓主人之西北面拜送族酬而禮



賓揖就席主人以解適西階上酬大夫大夫降席立於主人

之西如賓酬主人之禮

其既實解進西南面立歸所酬

主人揖就席若無大

夫則長受酬亦如之

長謂以長幼之次酬眾賓

司正升自西階相旅作受

酬者曰某酬某子

某者字也某子者氏也稱酬者之字受酬者曰某子此言某酬某子者射禮略於

字不若子此言某酬某子者射禮略於

飲酒飲酒言某子受酬以飲酒為主受酬者降席司正退

立於西序端東而

退立俟後酬者也始

眾受酬者拜興飲皆

如賓酬主人之禮辭遂酬在下者皆升受酬於西階上

在下謂賓

黨也鄉飲酒記曰主人之贊者西面卒受者以解降奠於篚

司正降復位

右旅酬

記古者於旅也語

禮成樂備乃可以言語先王

樂之盛言語無節故追道古也

凡旅不洗

敬

不洗者不祭

不盛既旅士不入

從正禮也既旅則將燕矣士人齒於鄉人

使二人舉觶於賓與大夫

二人主人之贊者

舉觶者皆洗觶升實之

西階上北面皆坐奠觶拜執觶興賓與大夫皆席末答拜舉

觶者皆坐祭遂飲卒觶興坐奠觶拜執觶興賓與大夫皆答

拜舉觶者逆降洗升實觶皆立於西階上北面東上賓與大

夫拜舉觶者皆進坐奠於薦右

坐奠之不敢授

賓與大夫辭坐受觶

以興

辭辭其坐奠

舉觶者退反位皆拜送乃降賓與大夫反奠於

其所興

不舉者盛禮已崇古文曰反坐

若無大夫則唯賓

長一人舉觶如燕禮賡罰之爲

右二人舉觶

將舉者於右見酬賓章

孔子射於矍相之圃蓋觀者

如堵牆

矍相地名也藝采疏曰圃

射至於司馬使子路執弓矢出延射

曰賁軍之將亡國之大夫與爲人後者不入其餘皆入蓋

去者半入者半

先行飲酒禮將射乃以司正爲司馬子路執弓矢出延射則爲司射也延進也出進

觀者欲射者也責讀爲債債猶覆敗也亡國亡君之國者也與猶奇也後人者一人而已既有爲者而往奇之是貪財也子路陳此三者而親者又使公罔之喪序點揚解而畏其義則或去也延或爲誓

語公罔之喪揚解而語曰幼壯孝弟耆耄好禮不從流俗

修身以俟死者不在此位也蓋去者半處者半序點又揚

解而語曰好學不倦好禮不變旄期稱道不亂者不在此

位也蓋勵有存者

之發聲也射畢又使此二人舉解者古者耆耄皆老也流俗失俗也語語謂說義理也三十曰壯

日期頭稱猶言也道猶行也言行也者不言有此行不可以此實位也序或爲徐壯或爲將期或爲勤今禮揚皆作騰射義

司正升自西階阼階上受命於主人適西階上北面請坐於

賓

請坐欲與賓燕盡殷勤也至此盛禮已成酒清肴乾強有力者猶倦焉

賓辭以俎

俎者肴之貴者也辭

之者不敢以尸命於主人主人曰請徹俎賓許司正降自西

階階前命弟子俟徹俎賓弟子賓黨也俎者主人贊者設之今

請坐於賓此言主人曰互相備耳司正升立於序端賓降席北面主人降席

自南方阼階上北面大夫降席席東南面俟弟子賓取俎還

授司正司正以降自西階賓從之降遂立於階西東面司正

以俎出授從者授賓家從來者也古者與人飲食必歸其盛者所以厚禮之主人取俎還

授弟子弟子受俎降自西階以東主人降自阼階西面立以

授主人大夫取俎還授弟子弟子以降自西階遂出授從者

大夫從之降立於賓南凡言還者明取俎賓皆降立於大夫

之南少退北上從降亦為將燕

右徹俎

主人以賓揖讓說屨乃升大夫及眾賓皆說屨升坐說屨者

屨褻賤不宜在堂也說乃羞羞進也所進者狗彘醢無算爵

屨則振衣為其被地使二人主解賓與大夫不與取奠解飲卒解不拜二人謂

使之二人使之二人主解賓與大夫不與取奠解飲卒解不拜二人謂

使之升立於西階上賓與大夫將旅當執解也卒解者固不

拜矣著之者嫌坐卒賈者拜既爵此坐於席禮既殺不復崇

執解者受解遂實之賓解以之主人大夫之解長受長受

錯皆不拜錯者賓主人之解以之次賓也實賓長之解以之

殺也辯卒受者與以旅在下者於西階上眾賓之未飲而酬主

飲而酬賓黨亦錯焉不使執解者酌以其將旅酬不以己尊

於人也其末若皆眾賓則先酬主人之贊者若皆大夫則先

酌賓黨而已執解者長受酬酬者不拜乃飲卒解以實之言

者不拜者嫌酬堂下異位當受酬者不拜受禮殺雖受尊者

拜也古文曰受酬者不拜辯旅皆不拜主人之贊者於執解者皆與旅嫌已飲不復飲

此始旅嫌有拜

耳非逮下之惠也亦卒受者以虛解降奠於篚執解者洗升  
自以齒與於族也  
實解反奠於賓與大夫復奠之者燕以飲酒為歡醉乃止主  
之解皆為爵實解解為之無算樂合鄉樂無次數

### 右燕

賓興樂正命奏陔

陔陔夏其詩亡周禮賓醉而出奏陔夏陔

賓降及階陔作賓出眾賓皆出主人送於門外再拜

拜送賓於門東

西面賓不答拜禮有終

### 右賓出

記大夫後出

下鄉人不干其賓主之禮

主人送於門外再拜

拜送大夫尊之也主人送賓還入門揖大夫乃出拜送之

明日賓朝服以拜賜於門外

拜賜謝恩惠也

主人不見如賓服遂從

之拜辱於門外乃退

不見不褻禮也拜辱謝其自屈辱

右拜賜

主人釋服乃息司正

釋服說朝服服元端也息猶勞也勞司正謂賓之與之飲酒以其昨日尤勞倦

也月令曰勞無介

勞禮略貶於飲酒也此

不殺無俎使人速

速召

迎於門外不拜入升不拜至不拜洗薦脯醢無俎賓酢

主人主人不崇酒不拜眾賓既獻眾賓一人舉觶遂無算爵

言遂者明其間闕也賓坐奠解於其所擯者遂受命於主人請坐於賓賓降說屨升坐矣不言遂請坐者請坐主於無算

爵

無司正

已不立之

賓不與

昨日至尊不可褻也古文與作孫

徵唯所欲徵

也謂所以

告於鄉先生君子可也

告請也鄉先生鄉大夫致仕者有大德行不

仕羞唯所有

見物

鄉樂唯欲

不歌雅頌取周召之詩在所好

右息司正

六典通考卷七十六

湖西閣鎮珩輯

賓興考

歷代賓興

漢高祖十一年詔曰蓋聞王者莫高於周文伯者莫高於齊桓皆待賢人而成名今天下賢者智能豈特古之人乎患在人主不交故也士奚由進今吾以天之靈賢士大夫定有天下爲一家其長久世世奉宗廟亡絕也賢人旣與我共平之矣而不與吾共安利之可乎賢士大夫有肯從我游者吾能尊顯之布告天下使明知朕意御史大夫昌下相國相國鄧侯下諸侯王御史中執法下郡守其有意稱明德者必身勸



爲之駕

郡守身自往勸勉令至京師

遣詣相國府署行義年

行狀有而弗

言覺免年老癯病勿遣自惠文以後郡國薦舉人才曰賢良

方正曰孝廉曰博士弟子孝文二年詔執政舉賢良方正能

直言極諫者十五年詔諸侯王公卿郡守舉賢良能直言極

諫者上親策之武帝建元元年詔丞相御史列侯中二千石

二千石諸侯相舉賢良方正直言極諫之士丞相綰奏所舉

賢良或治申商韓非蘇秦張儀之言亂國政請皆罷奏可

方東

朔傳帝即位詔天下舉方正賢良文學材力之士待以不

次之位四方士多上書言得失自衛者以千數其不足采

者輒報聞罷公孫弘傳弘年六十以賢良徵爲博士使匈奴

還報不合意移病免歸元光五年復徵賢良菑川國復推上

弘引謝不能願更選國人固推弘

太常奏弘第居下天子提爲第一

元光元年五月詔賢良曰

賢良明於古今王事之體受策察問咸以書對朕親覽焉於

是董仲舒公孫弘等出焉五年復召賢良文學孝昭元始元  
年閏月遣故廷尉持節行郡國舉賢良五年六月詔令三輔  
太常舉賢良各二人六年詔有司問郡國所舉賢良文學民  
所疾苦議罷鹽鐵榷酤有司者丞相車千秋御史大夫桑宏羊也賢良文學者茂陵唐生魯國萬  
生中山劉子九江祝生與其徒六十餘人也自孝文策晁錯  
之後賢良方正皆上親策而第其優劣至孝昭年幼無親策  
之事乃詔有司問以民所疾苦孝宣本始四年詔三輔太常內郡國舉賢良  
方正各一人地節三年詔內郡國舉賢良方正可親民者十  
月詔曰迺者九月地震朕甚懼焉有能箴朕過失及賢良方  
正直言極諫之士以匡朕之不逮毋諱有司神爵四年令內  
郡國舉賢良可親民者各一人孝元初元二年詔丞相御史  
中二千石舉茂才異等直言極諫之士孝元舉茂才富平侯張勃舉陳湯湯待遷

父死不奔喪司隸秦湯無循行勃選舉故不以實  
坐削戶一百會葬因賜諡曰穆侯湯下獄論罪 永光二年

詔內郡國舉賢良直言之士各一人孝成建始二年詔三輔

內郡舉賢良方正各一人三年詔丞相御史與將軍列侯中

二千石及內郡國舉賢良方正能直言極諫之士詣公車朕

親覽焉上盡召直言之士詣白虎殿對策元延元年詔公卿

大夫博士議郎以經對與內郡國舉方正能直言極諫者各

一孝哀元壽元年詔公卿大夫其與將軍列侯中二千石舉

賢良方正能直言者各一人孝武元光元年冬初令郡國舉

孝廉各一人董仲舒曰臣愚以為使諸列侯郡守二千石各

孝廉皆自元朔元年詔曰朕深詔執事興廉舉孝今或至闕

郡而不薦一人是化不下究而積行之君子雍於上聞也二

千石官長紀綱人倫將何以佐朕燭幽隱勸元元崇鄉黨之訓哉且進賢受上賞蔽賢蒙顯戮古之道也其與中二千石禮官博士議不舉者罪有司奏議詔書令二千石舉孝廉所以化元元移風易俗也不舉孝不奉詔當以不敬論不察廉不勝任也當免奏可孝廉之選文帝詔以爲萬家之縣亡應廉非有實行可黃龍元年詔曰舉廉誠欲得其真也吏六百見不容謬舉也石位大夫有罪先請秩祿上通足以效其賢才自今以來毋得舉吏六百石者不元始元年令宗室爲吏舉廉佐史補四百石武帝元朔五年爲博士官置弟子五十人復其身太常擇民年十八以上儀狀端正者補博士弟子郡國縣官有好文學敬長上肅政教順鄉里出入不悖所聞令相長丞上屬

所二千石二千石謹察可者常與計偕詣太常得受業如弟

子

詳國學篇賢良未對策者亦可爲博士董仲舒韋固皆先爲博士後舉賢良

時張湯請博士弟

子治尚書春秋補廷尉史成帝時山陽侯張當居坐爲太常

擇博士弟子故不以實完爲城旦陽朔二年詔丞相御史中

二千石二千石雜舉可充博士位者使卓然可觀平帝時王

莽增元士之子得受業如弟子勿以爲員

日知錄甲乙丙科始見漢書儒林傳

平帝時歲課博士弟子甲科四十人爲郎中乙科二十人爲大子舍人丙科四十人補文學掌故蕭望之傳以射策甲科爲郎匡衡傳數射策不中至九乃中丙科西漢會要文翁選郡縣小吏十餘人遣詣京師受業博士終軍選爲博士弟子至府受遺蕭望之以令詣太常受業

唐生褚生應博士弟子選詣博士

漢雜科元封五年詔州

郡察吏民有茂才異等可爲將相及使絕國者始元五年詔

舉郡國文學高第各一人本始元年詔內郡國舉文學高第

各一人元康元年詔博舉吏民厥身修正通文學明於先王之術宣究其意者各二人中二千石各一人四年詔遣大中大夫循行天下舉茂才異倫之士初元三年詔丞相御史舉天下明陰陽災異者各三人永光元年詔丞相御史舉質樸敦厚遜讓有行者建昭四年詔遣諫大夫博士循行天下舉茂才特立之士河平四年遣光祿大夫博士行舉敦厚有行能直言之士鴻嘉二年詔舉敦厚有行義能直言者冀聞切言嘉謀永始三年遣大中大夫循行天下與部刺史舉敦樸遜讓有行義者各一人元延元年詔北邊二十二郡舉勇猛知兵法者各一人哀平初平當奏宜博求能浚川疏河者下丞相孔光大司空何武奏請部刺史三輔三河宏農太守舉

吏民能者莫有應者建平元年詔舉孝弟敦厚能直言通政  
事延於側陋可親民者各一人四年詔將軍中二千石舉明  
兵法有大慮者元壽元年詔將軍與中二千石舉明習兵法  
有大慮者各一人將軍二人詣公車元始元年公卿將軍中  
二千石舉敦厚能直言者各一人二年秋舉勇武有節明兵  
法郡一人詣公車

西漢會要武帝立五經博士開弟子員設科射策勸以官  
祿射策者爲問難疑義書之於策量其大小置爲甲乙之  
科列而置之不使其彰顯有欲射者隨其所取而釋之以  
知優劣何武王嘉馬宮翟方進皆以射策甲科明經龔遂  
爲郎房鳳以射策乙科爲太史掌故明經龔遂  
經爲官袁良舉明經爲太子舍人孔安明鄭崇父賓以  
國貢禹夏候勝張禹並以明經爲博士明法明律令爲御

史薛宣以明習文、  
法詔補御史中丞

後漢世祖詔丞相故事四科取士一曰德行高妙志節清白  
二曰學通行修經中博士三曰明達法令足以決疑能案章  
覆問文中御史四曰剛毅多略遭事不惑明足以決才任三  
輔令皆有孝弟廉公之行自今以後審四科辟召及刺史二  
千石察茂才尤異孝廉之吏務盡實覈選擇英俊賢行廉潔  
平端於縣邑務試授以職有非其人不習官事書疏不端正  
不如詔書有司奏罪名并正舉者建武六年勅公卿舉賢良  
方正各一人七年詔公卿司隸州牧舉賢良方正各一人遣  
詣公車朕將覽試焉建初元年詔曰選舉乖實俗吏傷人官  
職耗亂刑罰不中昔仲弓季氏之家臣子游武城之小宰孔



子猶誨以賢才問以得人明政無大小以得人爲本夫鄉舉里選必累功勞今刺史守相不明真僞茂才孝廉歲以百數旣非能顯而當授之政事甚無謂也每尋前世舉人貢士或起畎畝不繫闕閤敷奏以言則文章可采明試以功則政有異迹文質彬彬朕甚嘉之其令太傅三公中二千石郡國守相舉賢良方正能直言極諫之士各一人五年詔公卿以下舉直言極諫指朕過失者各一人遣詣公車以巖穴爲先勿取浮華永光六年詔曰陰陽不和水旱違度思得忠良之士以輔朕之不逮其令三公中二千石二千石內郡守相舉賢良方正直言極諫之士各一人昭巖穴披幽隱遣詣公車帝乃親臨策問選補郎吏永初元年詔公卿內外眾官郡國守

相舉賢良方正有道德之士明政術達古今直言極諫者各一人五年詔三公特進侯中二千石郡守諸侯相舉賢良方正有道術達正化能直言極諫之士各一人及至孝與眾卓異者并遣詣公車順帝卽位詔公卿郡守國相舉賢良方正能直言極諫之士各一人漢安元年詔大將軍公卿舉賢良方正能探頤索隱者各一人沖帝卽位詔三公特進侯校尉舉賢良方正幽逸修道士各一人建和元年詔大將軍公卿校尉舉賢良方正能直言極諫之士各一人三年詔大將軍公卿特進侯與卿校尉舉賢良方正能直言極諫之士各一人永興二年詔公卿校尉舉賢良方正能直言極諫者各一人延熹八年詔公卿校尉舉賢良方正永康元年詔公卿

校尉舉賢良方正

東漢舉賢良文學魯丕郡功曹舉遷議郎申屠剛蘇章李法爰延崔駰周燮不就劉

瑜荀淑皇甫規張奐劉淑劉焉

光武始用孝廉爲尚書郎建武十二年詔三

公舉廉吏各二人光祿歲察廉吏三人中二千石歲察廉吏

各一人廷尉大司農各二人將兵將軍歲察廉吏各二人建

初元年初舉孝廉郎中寬博有謀任典城者以補長相和帝

時大郡口五六十萬舉孝廉二人小郡口二十萬并有蠻夷

者亦舉二人帝以爲不均下公卿會議丁鴻與司空劉方上

言凡口率之科宜有階品蠻夷錯雜不得爲數自今郡國率

二十萬口歲舉孝廉一人四十萬二人六十萬三人八十萬

四人百萬五人百二十萬六人不滿二十萬二歲一人不滿

十萬三歲一人帝從之永元七年詔曰舊典因孝廉之舉以

求人有司詳選郎官寬博有謀才任典城者三十人既而悉以所選郎出補守相十三年詔緣邊郡口十萬以上歲舉孝廉一人不滿十萬二歲舉一人五萬以下三歲舉一人元初六年詔光祿勳與中郎將選孝廉郎寬博有謀清白行高者五十人補令長丞尉陽嘉元年左雄上言請自今孝廉年不滿四十不得察舉皆先詣公府諸生試家法文吏課牋奏覆之端門練其虛實以觀異能有不承科令者正其罪法若有茂才異行可不拘年齒帝從之尚書駁之曰凡選舉因才無拘定制六奇之策不出經學鄭阿之政必非章奏甘奇顯用年乖強仕終賈揚聲亦在弱冠今以一臣之言刻戾舊章眾心不厭可宣下百官參其同異詳采厥衷帝不從辛卯初令郡國舉孝廉限年四十以上諸生通章句文吏能牋奏乃得應選其有異才異行若顏淵子奇不拘

年齒久之廣陵所舉孝廉徐淑年未四十臺郎詰之對曰詔書曰有如顏回子奇不拘年齒是故本郡以臣充選郎不能屈左雄詰之曰昔顏回聞一知十孝廉聞一知幾耶淑無以對乃罷卻之閏月令諸以詔爲郎年四十以上課試如孝廉科者得參廉選歲舉一人左雄前議舉吏先試之公府覆之於端門尙書張盛奏除此科黃瓊上言覆試之作將以澄清洗濁覆實虛濫不宜改革帝乃止

張衡言自初舉孝廉迄今二百歲矣皆先孝行行有餘力始學文法辛卯詔書以能章句奏案爲限雖有至孝亦不應科此棄本而取末曾子長於孝然實魯鈍文學不若游

夏政事不若冉季今欲使人兼之苟外一漢安元年尙書令有可觀內必有闕則違選舉孝廉之意矣

黃瓊以前左雄所上孝廉之選專用儒學文吏於取士之義

猶有所遺乃奏增孝弟及能從政者爲四科帝從之

西都時孝與廉

當是各爲一科故蕭望之薛宣黃霸張敞等皆以察廉補長丞獨王吉京房師丹孟喜皆以舉孝廉爲郎劉向舉孝廉爲襄贲令至東都合爲一科矣西都只從郡國奏舉未有試文之事至東都則試家法課牋奏黃瓊所云耑用儒學文吏取士猶有所遺則當時雖以孝廉名科而未嘗責其行實也桓帝卽位詔曰孝廉廉吏皆當典城牧民禁姦舉善興化之本常必由之詔書連下而所在玩習怠慢選舉乖錯害及元元頃雖頗繩正猶未懲改其令秩滿百戶十歲以上有殊才異行乃得參選賊吏子孫不得察舉杜絕邪僞請託之原令廉白守道者得信其操舊制侍中尙書中臣子弟不得爲吏察孝廉東漢舉孝廉馬稜伏波者魏霸韋彪馮約賈琮鄭弘周章張霸桓典桓鸞劉平江革周舉第五倫鍾離意韓朗朱穆徐防張敏胡廣袁安翟劭霍請陳禪龐參陳龜橋玄黃憲不就楊彪張綱王龔仲髡陳球杜根劉陶李雲傅燮蓋動張衡不就左雄李固杜喬吳祐延篤段熲陳蕃李膺劉祐宗慈巴肅范滂尹勳蔡衍羊陟陳翔檀敷劉儒賈彪符融不就鄭太不就荀彧皇甫嵩朱雋劉虞

公孫瓚袁術許荆第五訪劉矩劉寵陽球劉琨張興包咸楊  
仁董鈞服虔穎容許慎高龔劉梁高彪劉茂張武戴封雷義  
王烈謝夷吾李邵初光武立五經博士凡十四各以家法教  
公沙穆華佗不就授太常卿一人選試博士奏其能否建武中太常選博士四  
陳元爲第一張元舉孝廉爲郎會顏氏博士缺元策試第一  
拜爲博士肅宗詔高才生受古文尙書毛詩穀梁左氏春秋  
雖不立學官然皆擢高第爲講郎給事近署元和二年令郡  
國上明經者口十萬以上五人不滿十萬三人和帝時司空  
徐防上疏以爲博士及甲乙策試宜從其家法章句開五十  
難以試之解釋多者爲上第引文明者爲高說若不依先師  
義有相伐皆正以爲非五經各取上第六人論語不宜射策  
雖所失或久差可矯革詔書下公卿皆從防言延光二年詔

選三署郎及吏人能通古文尚書毛詩穀梁春秋各一人陽  
嘉元年試明經下第者補弟子增甲乙科員十人本初元年  
令郡國舉明經詣太學歲滿課試以高第五人補郎中次五  
人補太子舍人詳見郡國學篇熹平五年試太學生年六十以上者  
百餘人除郎中太子舍人至王家郎郡國文學吏

東漢會要至孝

永初五年舉至孝與眾卓異者建和元年詔大將軍公卿郡國舉至孝篤行之士各

一有道

建光元年令公卿特進侯中二千石二千石郡國守相舉有道之士各一人建寧元年詔同敦

厚質直

元初元年詔三公特進侯中二千石仁賢後復增二千石郡守舉敦厚質直者各一人

淳樸有道

仁賢獨行高茂才四行功高久次才德尤異者節質直清白敦厚之屬

為茂才

四行建武十二年詔三公舉茂才各一人光祿勳歲舉茂才四行各一人監察御史司隸州牧歲舉茂才一

人將帥

永初五年詔三公特進九卿校尉舉列將子孫明曉戰陳任將帥者建光元年詔三公特進侯九卿



校尉舉武猛堪將帥者各五人永和三年令大將軍三公  
舉故刺史二千石及見令長郎謁者四府掾屬剛毅武猛  
謀謀任將帥者各二人  
特進九卿校尉各一人  
耆儒陽嘉元年除郡國耆儒九十  
儒年六十以上四十八人補郎舍人及諸王國郎初平四  
年試儒生四十餘人上第賜位郎中太子舍人下第者罷  
之  
試尚書安帝時尚書有缺詔將大夫六百石以上試對  
政事天文道術以高第者補之孫懿移病不試  
罷尚書  
一拜尚書

論曰人心不同各如其面孝秀美名誰不樂居自非驗  
之以文詞課之以程試雖有神明之哲無由觀察能否  
而審第其高下故章帝建初詔書以爲茂材孝廉歲以  
百數能未著而授之政甚無謂也蓋是時徵舉之人卽  
予特拜不復簡試士或矯飾謗訕滋生其後左雄建議  
請先試諸公府後覆於端門端門者御史之府卽唐宋

御史臺覆試進士之法也東漢風俗最稱近古其於考  
言之典詳備如此而當時茂材孝廉之數尙不及今日  
什伯之一觀其詭情冒進黑白混淆早爲人主所厭棄  
甚或惰於守職疏於吏事有如韋彪李固之所陳者是  
則選人愈多得才愈少其由來非一日已及東晉喪亂  
人士失業郡國所舉孝廉有并文詞而不能爲者夫昔  
之孝廉今之鄉舉也古者覈求實行雖無文術不害其  
爲賢今也程以區區之末藝而不復問其素行則名與  
實已不相應矣乃或并此而不能爲豈不輕朝廷羞當  
世之士乎

魏氏旣平中土屢下求賢之令時何夔言於太祖曰軍興草

創用人未詳其本各引其類自今所用必先覈之鄉閭

日知錄孟

德崇獎踴弛之士下令再三至於求負汙辱之名見笑之行

不仁不孝而有治國用兵之術者於是權詐迭進姦逆萌生

故董昭太和之疏已謂當今年少不復以學問爲本專更以

交游爲業國士不以孝悌清修爲首乃以趨勢求利爲先至

正始游誕之徒茂周孔

習老莊風俗爲之一變文帝初卽王位尙書陳羣立九品官

人之法州郡縣俱置大小中正各取本處人在諸府公卿及

臺省郎吏有德充才盛者爲之區別所管人物定九等其有

言行修著則升進之或以五升四或以六升五或道義虧缺

則降下之其州大中正功曹郡中正主簿皆取著姓士族爲

之以定門胄品藻人物

北齊清都郡鄴臨漳成安三縣上上郡北齊清都郡鄴臨漳成安三縣上上

史或稱某州大中正或稱某郡大中正或無大字多以南北朝各他官兼攝無專員又或以致仕家居者爲之至唐始廢黃初

二年初令郡國口滿十萬者歲察孝廉一人其有秀異無拘

戶口三年詔曰今之計考古之貢士也十室之邑必有忠信  
若限年然後取士是呂尚周晉不顯於前世也其令郡國所  
選勿拘老幼儒通經術吏達文法到皆試用有司糾故不以  
實者明帝青龍元年詔公卿舉賢良篤行之士各一人

晉武帝始嗣王位令諸郡中正以六條舉淹滯一曰忠恪匪

躬二曰孝敬盡禮三曰友於兄弟四曰潔身勞謙五曰信義

可復六曰學以爲己泰始四年詔公卿及郡國守相舉賢良

方正直言之士摯虞舉賢良與夏侯湛等十七人策爲下第

問虞對舉擢爲太子舍人阮种與邵詵王康對賢良俱上第

除尚書郎或言對者因緣假托帝乃更延羣士廷問之种策

奏擢第一五年詔州郡舉勇猛秀異之才散騎常侍傅元皇

甫陶上疏曰近者魏武好法術而天下貴刑名魏文慕通達

而天下賤守節其後虛無放誕之論盈於朝野使天下無復清議而亡秦之病復發於今陛下聖德化鄰唐虞唯未舉清遠有禮之臣以敦風節未退虛鄙以懲不恪也帝乃使元草詔進之其後中正任久愛憎由己而九品之法漸弊遂計官資以定品格尙書僕射劉毅以九品者魏初軍中權時之制非經久之典宜定土斷復古鄉舉里選之法上疏曰九品有八損而官才有三難人物難知一也愛憎難防二也情僞難明三也今中正定九品高下任意情僞由己上品無寒門下品無世族公無考校之負私無告訴之忌損政一也置州郡者本取州里清議以鎮異同不謂一人之才了一州之才一人不審遂爲坐廢若然雖宣尼之聖莫不有過則廢何獨責

於中人哉使是非之論橫於州里嫌隙之讎結於大臣損政  
二也本立格制謂人倫有序才德優劣倫輩有首尾也今之  
中正坐徇其私貴異之器使在九品下負載不肖越在成人  
首損政三也委以一國之重而無賞罰之防諸受枉者抱怨  
積久不蒙無私之德長壅邪人之銓損政四也先古政教崇  
鄉黨之義故天下之人退而修本今或流徙異邦或給事殊  
方猶不識其面況能盡其才乎而中正在采聲於臺府納毀於  
流言任己則有不識之弊聽受則有彼此之偏所知以愛憎  
奪其平所不知者以人事亂其度既無鄉老紀行之議又非  
朝廷考績之課使人棄近求遠背本趨末損政五也凡立品  
設狀者求人才而論功報也今於限當報雖職之高還附卑

品無績於官而獲高敘是爲抑功實而崇虛名損政六也且以品取人或非才能所長以狀取人則爲本品所限若狀得其實猶品狀相妨況不實者乎損政七也前九品詔書善惡必書以爲褒貶今所下不章其罪所上不列其善天下之人焉得不懈於德行而銳於人事乎損政八也職名中正實爲姦府事名九品而有八損臣以爲宜罷疏入優詔答之後司空衛瓘等共表宜省九品復古鄉議里選竟不行

馬端臨曰九品中正者寄雌黃於一人之口評論所不許則司擢用者不敢違擢用或非人則司評論者不任咎又限以九品專以一人其法太拘其意太狹其跡太露故趨勢者不暇舉賢劉毅所謂上品無寒門下品無世族是也

畏禍者不敢疾惡如孫秀求品於王戎從弟衍衍將不許  
戎勸品之及秀得志朝士有怨者皆被害戎衍獨免是也  
快恩讎者得以自恣如何劭初亡袁粲弔劭子岐岐辭以  
疾粲曰今年決下婢子品是也陳壽遭父喪有疾使婢丸  
藥客見之鄉里以爲貶坐是沈滯累年謝惠連愛幸會稽  
郡吏杜德靈及居父憂贈以五言詩十餘首坐廢不豫榮  
伍尙書僕射殷景仁愛其才乃白文帝言臣兒時便見此  
文而論者云是惠連非也帝曰若此便應通之元嘉七年  
始爲彭城王義康參軍閻續父卒繼母疾之誣續盜父時  
金寶訟於有司遂被清議十餘年續孝謹不怠母後意解  
更移中正乃得復品蓋履行稍虧者一人品目不可拭滌



則天下無全人矣況中正所品未必皆當乎

東晉元帝制揚州歲舉二人諸州各一人時以天下喪亂務存慰勉遠方孝秀不復策試到卽除署旣經略粗定乃詔試經有不中科刺史太守免官其後孝秀莫敢應命有送至京師皆以疾辭太興三年尙書孔坦議請普延五歲許其講習乃至詔孝廉申至七年而秀才如故

惠帝永嘉初王接舉秀才報友人書曰今世道

交喪將遂制亂而智識之士錯口翰筆非榮此行欲極陳所言冀有覺悟會是歲三王舉義惠帝復降以國有大慶天下秀才孝廉一皆不試接以爲恨

宋制丹陽吳會會稽吳興四郡歲舉二人餘郡各一人凡州秀才郡孝廉至皆策試天子或親臨之及公卿所舉皆屬於吏部序才銓用凡舉得失各有賞罰失者其人加禁錮年月

多少隨部議制文帝元嘉中限年三十而仕孝武卽位仕者不拘長幼沈約論曰魏武始基軍中權立九品蓋以論人才優劣非謂世族高卑自魏至晉州都郡正以才品人而舉世人才升降蓋寡徒以憑藉世資用相陵駕都正俗士斟酌時宜品目少多隨事俛仰凡厥衣冠莫非二品自此以還遂成卑庶

齊建元元年詔四州士庶本鄉淪陷簿籍不存尋校無所可

聽州郡保押從實除奏荒遠闕中正者特許據軍簿奏除

宋武帝齊高帝受禪大赦皆有犯鄉論清議者洗除先注等語所洗卽中正所注也尙書都令史駱宰議

策秀才格五問並得爲上四三爲中二爲下一不合與第謝

超宗以爲片辭折獄寸言挫眾魯史褒貶孔論興言皆無俟

繁而後秉裁夫表事之深析理之會豈必委墮方切論道非患對不盡問患以常文弗奇必使一通峻正寧劣五通而常與其俱奇一亦宜採詔從宰議是時立限年之制鄉舉里選不覈才德進取以官婚胄籍爲先甲族以二十登仕後門以三十試吏故有增年矯貌以圖進者士人皆厚結姻援奔馳造請浸以成俗

顧炎武曰古之哲王立閭師設鄉校存清議於州里以佐刑罰之窮移之郊遂載在禮經殊厥井疆稱於畢命兩漢以來猶循此制鄉舉里選必先考其生平一玷清議終身不齒君子有懷刑之懼小人存恥格之風教成於下而上不嚴論定於鄉而民不犯降及魏晉而九品中正之設雖

多失實遺意未亡凡被糾彈付清議者卽廢棄終身同之  
禁錮至宋武帝篡位乃詔有犯鄉論清議賊汗淫盜一皆  
蕩滌洗除與之更始自後凡遇非常之恩赦文並有此語  
小雅廢而中國微風俗衰而叛亂作矣然鄉論之汗至煩  
詔書洗刷豈非三代之直道尙在於斯民而畏人之多言  
猶見於變風之日乎予聞在下有鯀登庸以比三凶不才  
投畀雖二帝之舉錯未嘗不詢於芻蕘然則崇月旦以佐  
秋官進鄉評以扶國是儻亦四聰之所先而王治之不可  
闕也

梁初無中正天監中制凡九流常選年未三十不通一經者  
不得爲官若有才同甘顏勿限年次尙書左僕射沈約上疏

曰頃自漢代本無士庶之別自非仕宦不至京師罷公卿牧  
守並還鄉里小人瞻仰以成風俗且庠校棊布傳經授業學  
優而仕始自鄉邑本於小吏幹佐方至文學功曹積以歲月  
乃得察舉人才秀異始爲公府所辟遷爲牧守入作臺司漢  
之得人於斯爲盛今之士人竝聚京邑其有守土不遷見謂  
愚賤且秀才別是一種任官非若漢代取人之例也假使秀  
才對五問可稱孝廉答一策能過此乃雕蟲小道非關理功  
得失以此求才徒虛語耳鴻臚卿裴子野又語曰天下無生  
而貴者故道義可尊無擇負販苟非其人何取代族周衰禮  
壞政出臣下卿士大夫自相繼及非大嗣嫡猶等家臣且徒  
步匹夫見禮侯伯式問擁篲無絕於時迄於二漢尊儒重道

雖名公子弟還齊布衣之士士庶雖分而無華素之隔有晉  
以來其流稍改三公之子傲九棘之家黃散之孫蔑令長之  
室所論必門戶所議莫賢能苟且之俗成傲慢之禍作非所  
以敦弘退讓厲德興化之道也至七年州置州重郡置郡崇  
鄉置鄉豪各一人專典搜薦無復膏粱寒素之隔普通七年  
詔凡州歲舉二人大郡一人太平二年復令諸州各置中正  
陳依梁制凡經學生策試得第諸州迎主簿西曹左奏得未  
壯而仕

詳任官篇

後魏州郡中正掌選舉其秀才對策第居中上表敘之孝文  
時韓顯宗上言今州郡貢察徒有秀孝之名而無秀孝之實  
朝廷但檢其有門第不復彈坐如此則可別貢門地何假置

秀孝之名或云代無奇才不若取士於門此亦失矣豈可以

代無周劭便廢宰相而不置哉但當較其寸長銖重者先敘

之則賢才無遺矣

馬端臨曰逮南北分裂三百年用人多取之世族南之王謝北之崔盧雖朝代推移

猶卽然以門地自負當時南人有三公之子做九棘之家黃散之孫蔑令長之室之說北人亦有以貴襲貴以賤襲賤之說其時仕者或從辟召或舉孝廉而所從舉之人皆貴胄也

明帝時清河王懌上表曰自

置中正以來莫不高擬其人名位重於鄉國才德充於具瞻

然後可以品裁州郡總覈人物今所置多非其人乞明爲勅

制無令能否乖方違才易務並革遷中正一依前軌靈太后

詔依行而終不能用正始元年冬乃罷諸郡中正徐因陳言

自漢朝常令三公大臣舉賢良方正有道直言極諫之士以

爲長吏監撫黎元自晉末以來此風遂替今請依漢氏更立

四科令三公竊貴各薦時賢以補郡縣明立條格防其阿黨  
詔下公卿議亦寢

北齊州縣皆置中正課試之法中書策秀才集書策貢士考  
功郎中策廉良天子常服乘輿出坐於朝堂中楹秀孝各以  
班草對字有脫誤者呼起立席後書有濫劣者飲墨水一升  
文理孟浪者奪席脫容刀

楊遵彥慎選舉秀才擢第罕有甲科李德林射策五條考皆爲上

後周文帝時蘇綽爲六條詔書其四曰擢舉賢良綽懲魏齊  
失罷門資之制所察舉頗加精謹及武帝平齊廣收遺逸詔  
山東諸州舉明經幹當者上縣六人中縣五人下縣四人天  
成元年詔州舉高才博學爲秀才郡舉明經行修者爲孝廉  
上州上郡歲一人



隋開皇七年制諸州歲貢三人工商不得入仕

杜正玄舉秀才試策高第

時海內惟正玄一人舉秀才其弟正藏亦舉秀才蘇威監選時射策甲第者合奏曹司難爲別奏抑爲甲科正藏訴屈威怒改爲丙科煬帝始建進士科先是開皇中李諤奏於文帝曰昔

魏之三祖忽君人大道好雕蟲小藝代俗以之相高朝廷以茲擢人故文筆日煩其政日亂帝納其言乃下制禁文筆之爲浮詞者其年泗州刺史司馬幼之以表詞不質書罪於是風俗改勵政化大行及煬帝變前法置進士第後生復相倣效皆以浮虛爲貴

唐取士之科多因隋舊然大要有三由學館者曰生徒由州縣者曰鄉貢皆升名於有司而進退之其科之目有秀才有明經有進士有俊士有明法有明字有明算有一史有三史

有開元禮有道舉有童子而明經之別有五經有三經有二  
經有學第一經有三禮有三傳有史科此歲舉之常選也舉  
選不由館學者謂之鄉貢皆懷牒自列於州縣試已長吏以  
鄉飲酒禮會屬僚設賓客陳俎豆備管絃牲用少牢歌鹿鳴  
之詩因與耆艾敘長少焉既至省皆疏名列到結款通保及  
所居始由戶部集閱而關於考功員外郎試之其宏文崇文  
生各依所習業隨明經進士例其秀才試方略策五條文理  
俱高爲上上文高理平理高文平爲上上中文理俱平爲上下  
文理粗通爲中上上文劣理滯爲不第

此條取人稍峻  
自貞觀後遂絕

其明經

各試所習業正經有九禮記左傳爲大經毛詩周禮儀禮爲  
中經周易尚書公羊穀梁爲小經通二經者一大一小若兩

中經通三經者大小中各一通五經者大經並通其孝經論

語兼習

諸明經試兩經進士一經每經十帖孝經二帖論語八帖每帖三言通六已上然後試策周禮左氏禮記

各四條餘經各三條孝經論語共三條皆錄經文及注意爲問其答者須辨明義理然後爲通通十爲上上通八爲中上通七爲上下通六爲中上其通三經者全通爲上上通十爲上中通九爲上下通八爲中上通七及二經通五爲不第

其進士試雜文兩首策時務五條洞識文律義理愜當者爲

通

若事義有滯詞句不倫者爲下其經策全通其明法試律爲甲策通四帖通六已上爲乙已下爲不第

令各一部識達義理問無凝滯者爲通

粗知綱例未究指歸者爲不通所試律令

每部試十帖策試十條律七條令二條全通者爲甲通八已上爲乙已下爲不第

其明書則說文六

帖字林四帖

諸試學書生帖試通訖先口試不其明算則九限條數疑則問之並通然後試策

章三帖海島孫子五曹張邱建夏侯陽周髀五經等七部各

一帖其綴術六帖緝古四帖

錄大義本條爲問答者明敷造術辨明術理然後通記遺三等

數讀令精熟試十得九爲第其試綴術緝古者綴術七條緝  
古三條諸及第者並錄奏仍開送吏部書算於從九品下敘  
排宏崇生雖同明經進士以其資蔭全高試亦不拘常例宏

生習一大經小經者兩中經者習史記者漢書者東觀漢記  
者三國志者皆須讀文精熟言音典正策試十道取粗解注  
義經通六史通三其試時務策者須識文體不  
失問目義試五得三皆兼帖孝經論語共十條應簡齋郎準

貢舉例帖試功帖論語及一大經及第者奏聞國子監大成

二十員取貢舉及第人聰明灼然者試日誦千言並口試仍

策所習業十條通七然後補充各授官依色令於學內習業

以通四經爲通其祿俸賜會准非伎術直例給業成者於吏

間日一試灼然明練精熟爲通口試十通九策試十通十爲

第所加經者禮記左傳毛詩周禮各加兩階餘經各加一階

及第者放選優與處分如不及第依舊任每三年一簡九年  
業不成者解退依常選例業未成年未滿者不符別選及充  
餘使若經事故應依日還令覆上其先及凡開元禮通大義

百條策三道者超資與官義通七十策二通者及第散試官  
能通者依正員凡三傳科左氏傳問大義五十條公羊穀梁  
傳三十條策皆三道義通七已上爲第白身視五經有出身  
及前資官視學究一經凡史科每史問大義百條策三道義  
通七策通二已上爲第能通一史白身視五經三傳有出身  
及前資官視學究一經三史皆通者獎擢之凡貢舉非其人  
者廢舉者校試不以實者皆有罰初高祖卽位詔諸州明經  
秀才俊士進士明於治體爲鄉里稱者縣考試州長重覆歲  
隨方物入貢初秀才第最高有上上中上下中上四等貞  
觀中有舉而不第者坐其州長由是廢絕高宗永徽二年始  
停秀才科劉祥道上疏言唐有天下四十年未有舉秀才者

請自六品以下至草野審加搜訪毋令赫赫之辰斯學遂絕  
開元二十四年以後復有此舉其時以進士漸難而秀才本  
科無帖經及雜文之限反易於進士主司以其科久廢不欲  
收獎應者多落之三十年無及第天寶初禮部侍郎韋陟始  
奏請有堪以此舉者令官長特薦其常年舉送並停代宗朝  
楊綰爲禮部侍郎請置五經秀才科事寢不行唐代舉秀才止十餘人杜  
正倫一家有秀才三人武德至永徽每年進士或二十餘人  
而秀才止一人二人玄宗讓六典言凡貢舉人有博識高才  
強學待問無失後選者爲秀才通二經已上者爲明經明  
時務精熟一經者爲進士文苑英華判目有云文藝小善進  
士之能訪對不休秀才之目是其難易可知矣馮明經故有  
位登大庠初五經秀才科是當行之而旋廢耳  
甲乙丙丁四科進士甲乙二科自武德以來明經唯有丁第  
進士唯有乙科而已進士千人得第者百一二明經得第者

十一二永隆二年考功員外郎劉思立言明經多鈔義條進

士唯誦舊策皆無實才而有司以人數充第乃詔自今明經

試帖十得六以上進士試雜文二篇通文律者然後試策天

授元年二月策問貢人於洛陽城數日方了殿前試人自此

始武后試諸路貢士如後世之開元七年令宏文崇文國子

生季一朝參及注老子道德經成詔天下家藏其書貢舉人

減尙書論語策而加試老子諸州貢士上州歲三人中州二

人下州一人必有才行不限其數十七年國子祭酒楊瑒上

言主司帖試明經不務求述作大旨專取難知問以孤經絕

句或年月日請自今並帖平文從之洋州刺史趙匡議舉人

條例一進士習業令習

禮記尙書論語孝經并一史其雜文試兩首五百字以上試

策衣論議銘頌箴檄等有資於用者不試詩賦理通詞雅爲

上理通詞平爲次餘爲否其試策於所習經史內徵問經傳  
聖人旨趣史問成敗得失并時務貴觀理識不用徵求隱僻  
詰以名數爲無益之能有通禮記尚書論語孝經之外更通  
道德諸經通元經孟子荀卿子呂氏春秋管子墨子韓子謂  
茂才舉一學兼經史達於政體策略深致其詞典雅者謂之  
秀才舉經通四經或三禮或三家春秋兼通三史以上卽當  
其目一學倍秀才而詞策同之談論貫通究識成敗謂之宏  
才舉以前三科其策當詞高理備不可同於進士其史書史  
記爲一史漢書爲一史後漢書并劉昭所注志爲一史三國  
志爲一史晉書爲一史李延壽南史爲一史北史爲一史  
南史者兼通宋齊志習北史者兼通後魏隋書志自宋以後  
史書煩碎冗長請但問政理成敗所因及其人物損益關於  
當代者其餘一切不問國朝自高祖以下及其人物損益關於  
觀政要其爲一史一天文律歷自有所司專習且非學者卒  
能尋究并講不問唯五經所  
論蓋舉其大體不可不知

舉人詆訶帝以員外郎望輕遂移貢舉於禮部以侍郎掌之  
禮部選士自此始二十五年勅自今明經問大義十條對時  
務策三首進士試大經十帖二十九年始置崇玄學習老子



莊子文子列子亦曰道舉其生京都各百人諸州無常員官秩蔭第同國子舉送課試如明經天寶九載置廣文館於國學以領生徒爲進士者舉人舊重兩監後世祿者以京兆同華爲榮而不入學十二載乃敕天下罷鄉貢舉人不由國子及郡縣學者勿舉送是歲道舉停者予加周易十四載復鄉貢廣德元年賈至爲侍郎上言歲方艱歎舉人赴省者兩都試之兩都試人自此始寶應二年禮部侍郎楊綰言進士科起於隋大業中是時猶試策高宗朝劉思立加進士雜文明經填帖故爲進士者皆誦當代之文而不通經史明經者但記帖括又投牒自陳非古先哲王側席求賢之意請依古察孝廉其鄉閭孝友信義廉恥而通經者縣薦之州州試其所

通之學送於省自縣至省皆勿自投牒其到狀保辨識牒皆  
停而所習經取大義聽通諸家之學每問經十條對策三道  
皆通爲上第吏部官之經義通八策通二爲中第與出身下  
第罷歸其明經進士及道舉並停帝以問翰林學士對曰舉  
進士久矣廢之恐失其業乃詔明經進士與孝廉兼行

按孝廉科

罷於建中元年

初禮部侍郎親故移試考功謂之別頭貞元十六年

中書舍人高郢奏罷議者是之元和十三年禮部侍郎庾承

宣奏復考功別頭試太和三年監察御史姚中立又奏停六

年侍郎賈餗又奏復之

唐之別頭試卽今所謂迴避卷也

元和中明經停口

義復試墨義十條五經取通五明經通六其嘗坐法及爲州

縣小吏雖藝文可採勿舉初開元中禮部考試畢送中書門

下詳覆其後中廢元和十三年侍郎錢徽所舉送覆試多不  
中選由是貶官而舉人雜文復送中書門下長慶三年侍郎  
王起言故事禮部已放榜而中書門下始詳覆今請先詳覆  
而後放榜議者以起雖避嫌然失貢職矣太和八年宰相王  
涯以爲禮部取士乃先以榜示中書非至公之道自今一委  
有司以所試雜文鄉貫三代名諱送中書門下唐進士放榜  
畢以試文送  
兩省詳覆如今之鄉  
會試卷送部磨勘先是進士試詩賦及時務策五道明經  
策三道建中二年中書舍人趙贊權知貢舉乃以箴論表贊  
代詩賦而皆試策三道太和八年禮部復罷進士議論而試  
詩賦文宗從內出題以試進士謂侍臣曰吾患文格浮薄昨  
自出題所試差勝乃詔禮部歲取登第者三十人苟無其人

不必充其數是時文宗好學嗜古鄭覃以經術位宰相深嫉  
進士浮薄屢請罷之文宗曰敦厚浮薄色色有之進士科取  
人二百年矣不可遽廢因得不罷武宗卽位宰相李德裕尤  
惡進士初舉人旣及第綴行通名詣主司第謝其制序立西  
階下北上東向主人席東階下西向諸生拜主司答拜乃敘  
齒謝恩遂升階與公卿觀者皆坐酒數行乃赴期集又有曲  
江會題名席至是德裕奏國家設科取士而附黨背公自爲  
門生自今一見有司而止其期集參謁曲江題名皆罷唐又  
有制詔舉人試之日或在殿廷天子親臨觀之試已餽其名  
於中考之文策高者特授以美官其次與出身應詔者多則  
二千人少猶不減千人所收百纔有一

唐時餽名之法惟施  
於制科而明經進士

則其爲名目隨其人主臨時所欲而列爲定科者如賢良方正直言極諫之類其名最顯而天子巡狩行幸封禪太山梁父往往會見行在其所以待之之禮甚優而宏材偉論非常之人亦時出於其間焉容齋隨筆張九齡以道侔伊呂策高第時明皇初卽位宣勞使所舉諸科人甚思清華興化變俗科各二人九齡於神龍二年中材堪經邦科本傳不書

秦蕙田曰唐制科之目見於登科記者有賢良方正能直言極諫科博通墳典達於教化科識洞韜略堪任將帥科清廉守節政術可稱堪任縣令科孝弟力田聞於鄉閭者詳明政術可以理人科才識兼茂明於體用科達於吏理可使從政科軍謀宏達材任將帥科志烈秋霜科幽素科

詞殫文律科詞標文苑科蓄文藻之思科抱儒素之業科  
文藝優長科絕倫科臨難不顧徇節寧邦科長才廣度沈  
迹下僚科拔萃科疾惡科才膺管樂科道侔伊呂科龔黃  
科才堪經邦科才高位下科抱器懷能科茂材異等科良  
材異等科文學異等科文以經國科藏名負俗科藻思清  
萃科寄以宣風則能興化變俗科手筆俊拔超越輩流科  
哲人奇士逸倫屠釣科文史兼優科文詞雅麗科博學通  
議科博學宏詞科文辭秀逸科風雅古調科詞藻宏麗科  
智謀將帥科武足安邊科高才沈淪草澤自舉科高材未  
達沈迹下僚科多才科王霸科高蹈邱園科樂道安貧科  
諷諫主文科經學優深科軍謀越眾科困學記聞云唐制

舉之名多至八十有六則登科記所載尙有未盡

兩漢而後人才莫盛於唐惟其科目繁多故一材一藝者各有以自見於世而非非常不羈之才遂得以盡展其長而無所拘闔由明迄今專用進士取士其途旣狹而又限以四子章句之文使凡治舉子業者一切屏經史不觀是以學業日疏識見卑陋宜夫文章政事之美遠不若漢唐也

梁開平元年勅近年舉人秋薦不親試者號爲披解今後宜止絕又勅禮部貢院所放明經及第不得過二十人乾化元年以尙書左僕射楊涉知貢舉非常例也開元時禮部侍郎專知貢舉其後或以他官領多用中書舍人及諸司四品清

資官唯會昌中命太常卿王起主貢舉時亦檢校僕射五代時或兵部尚書戶部侍郎刑部侍郎爲之不專主禮侍矣

後唐同光三年勅新及第進士符蒙正等令翰林院覆試升王徽桑維翰居魁亞降符蒙正第四今後禮部所試委中書門下詳覆奏聞三年工部侍郎任贊奏請諸色舉人逐處選實從官僚中藝學精博一人於本貫比試如非通贍不許妄給文解長興三年勅今後落第舉人所司已納家狀者次年便赴貢院就試免再取文解日知錄通典選人條例其倩人暗判人問謂之判羅此最無恥請榜示以懲之後唐天成三年中書奏吏部南曹關今年及第進士內三禮劉瑩等五人所試判語皆同勘狀稱曉逼試期偶拾得判草寫淨實不知判語不合一般者勅貢院擢科考詳所業南曹試判激勸爲官劉瑩等既不攻文只合直書其事豈得相傳唐末禮部知貢舉有得程文優者公場宜令所司落下放罪



卽以己登第時名次處之不以甲乙爲高下謂之傳衣鉢和  
凝登第名在十三後得范質遂處以十三後范登相位官至  
太子太傅

後周廣順三年敕禮部貢院試前精加考校逐場去畱無藝  
者雖應舉年深不得饒借場數有藝者雖遭黜落並許陳訴  
不得街市省門故爲喧競及投無名文字訕毀主司如有故  
違必行嚴斷配流邊遠同保人永不得赴舉主司不得受薦  
託書題密具姓名聞奏其舉人不得就試又今後舉人須取  
本鄉貫文解若鄉貫阻隔祇許兩京給解顯德二年知貢舉  
實儀奏進士省卷限納五卷以上于中雖有詩賦論各一卷  
餘雜文歌篇並同納不得有神道碑誌文之類其帖經對義

通三已上爲合格候考試終場以文藝優劣定爲五等文字  
乖舛詞理紕繆甚者爲第五等殿五舉次爲第四等殿三舉  
稍優者爲第三等第二等第一等並許次年赴舉其殿舉數  
並於試卷上朱書封送中書門下請行指揮及罪發解試官  
監官等其諸科舉人合解不解不合解而解者監官試官爲  
首罪勒停見任舉送長官聞奏取裁監官試官如受賂進士  
如有倩人作文字應舉者許人告言送本處色役永不得仕  
進同保人知者殿四舉不知者殿兩舉受倩者見在官停任  
選人殿三選舉人殿五舉諸色人量事科罪從之又舉人所  
試墨義第  
一場十否者殿五舉第二場第三場十否  
者殿三舉其三場內元有九否殿一舉儀又奏乞依唐穆  
宗時考試及第進士先具姓名雜文申送中書請奏覆訖下

當司與諸科一齊放榜五年知貢舉劉濤於東京試士放榜後以所試詩賦進呈詞多紕繆命翰林學士李昉覆試退落七人濤坐責官

馬端臨曰五代惟梁與晉各停貢舉二年以舉子學業未精之故至於朝代更易干戈搶攘貢舉固未嘗廢也然每歲所取進士多者僅及唐盛時之半而三禮三傳學究明經諸科中選者動以百計蓋帖書墨義承平之時士鄙其學而不習國家亦賤其科而不取故惟以攻詩賦中進士舉者爲貴喪亂以來文學廢墜爲士者往往從事乎帖誦之末而能文者固罕見之國初諸科取人多於進士蓋承五季之弊云

論曰進士之科始於隋煬殿試之制昉於武后二人者皆淫亂荒廢之主其法宜不可爲常然自隋唐至今千餘年英君輩出未聞有從而議變之者何也蓋人之難知久矣以言取人孔子猶失之於宰我世之爲進士之文者其言必不若宰我之善而操取士之鑒者其智必不若孔子之聖驅天下之豪傑勉強以就有司一人之繩尺而又糊名易書揣索于闕味之中是猶射鈎發覆其得偶中焉者幸耳非可以爲常也自明之中世吏部始掣籤以授人夫籤一物耳惡能知人之賢否高下哉然行之旣數百年世皆以爲至公而不可易則夫今日進士之文亦吏部之籤而已其得也非其功其失也非

其罪雖有豪傑非常之才不過俯仰隨時以規進取而  
其久困於場屋者亦徒太息扼腕於時命之遭而於隋  
場武后復何誅焉若夫終唐一代人心風俗遠不如兩  
漢而詭薄浮僞視魏晉有過之則其造士之無法實使  
之然矣蓋舉天下庠校之士舍父母去鄉里奔走而叢  
集于京師應試謂之覓舉求薦謂之乞恩榮之以資賢  
之名而辱之以不肖之實故破羈敝禍者操方寸之牒  
投獻於達官貴人之門而跪拜呼名不以爲恥及其卒  
也盜賊徒隸奮起而攘其國向之所謂搢紳大夫者遠  
巡北面比於狗彘之行甚至白馬一役衣冠惟其屠戮  
文學之士掃地以盡故傳有之曰禮義廉恥是謂四維

四維不張國乃滅亡唐之亡也始於士大夫之無廉恥而漸漬以成風俗流至五季之亂倫紀破滅篡弑相尋歷五六十年而不能定嗚呼豈偶然哉豈偶然哉